

اصوات ادبية

١٨٠



يسرى المروبي

# ميلاد البحر

شعر  
يسرى العزب

دراسة  
للدكتور أحمد شمس الدين الحجاجي

أكتوبر ١٩٩٦

هذه أول نسخة وصلني من الطبعة الأولى  
التي أشكر على نشرها  
١١/١١/٩٦

مستشارو التحرير

فؤاد حجازي

د. احمد السعدني

فاروق حسان

د. زكريا عناني

## اصوات ادبية

إسبوعية

الهيئة العامة لقصور الثقافة

رئيس مجلس الإدارة

ورئيس التحرير

**حسين مهران**

المشرف العام

**على أبو شادى**

نائب رئيس التحرير

**محمد كشيك**

مدير التحرير

**أحمد زرزور**

سكرتير التحرير

**حمدي أبو جليل**

المراسلات باسم مدير التحرير

على العنوان التالى

١٦ شارع أمين سامى

القصر العينى - القاهرة

رقم بريدى ١١٥٦١

تصميم الغلاف  
للفنان عمر جهان



---

إهداء

إلى البحر الكبير بالمنصورة...

عبد العزيز العزب

اعتدال راشد


عطاء لا يتوقف

ورضا لا ينتهي

ابنكما

ينسري العزب

الجيزة ٣١ يناير ١٩٩٦




---

ميلاد البحر

---

□ v □



\* إيدي اليمين ، وانتى ، وذن العين

تايهين ما بين بحرین

وانا فى البحور جمعاً

غرقان فى حبك حنين

بس الفرق طوعاً

لا غصبنى غاصب أعوم

ولا قلت يوم:

« سمعاً »

ولا كنت يوم أرعن

إنتى اللى حبك لقربك جذبنى

بقيت فى الدخول أمعن.

\*\* صبح الميلاد النهار ده والا يوم العيد ؟

فتتحت عيني لفجر النور .. القيتنى سعيد

أول براق شالنى .. وجابنى

على طرف الخريطة بعيد

لقيته أقرب م الهوا لقلبي

وبقيتى جنبى -

---

لا جوائى وف قلبى -

بتسرى فى كلوريد .

\*\*\* طلعت سابع سما قابلى إختاتون

فى إيدى غصن زتون

أخضر وفيه وردة...

حمرا ونورها حنون

قربت شميته..

قربت إسمك فى ريحتها

فتحت أشوفها ..

لقيت رسمك فى سكتها

فتحت كل دراعاتي

جسمك صبح بيتها

حضنك من الباطن..

يطمئن على الظاهر

حلفت باسم الوردة ما أتأخر

إلا ان بقى نورك على الدنيا

مالوش آخر

\* أنا المنتشى بالنور ومين قدى ؟

وحبيبتى ملو البحر على قدى

---

فتحت لى سور السرور ،  
كل البدور عندي  
وادتني كاس المحبة رشرشتني بخور  
مين زيتها يدّي!  
رفعتني فوق الصقور  
وعشت لحظة حضور  
طالت النجوم يدّي  
وبقيت قمر كامل في آخر الشهور  
جميل .. جميل .. ونيل ..  
وصبحت نيل سلسيل ..  
والرفاقة دليل ..  
يتكسر المستحيل ..  
على إيدي وحدي .

\*\*\*\* فتحت أول ساعة في ثانية  
قاموا اللي ضحوا للوطن م النوم  
واستأنفوا حرب الغيوم  
نزل البراق يا مهرتي في القدس  
صلينا من غير صوت  
ونطقنا واحنا الخرس

رجلينا حطّت في مكة  
الأزهر وإيديننا جوة الأزهر المعمور  
وناديننا ع الألف مادنة بعلو الحس  
ورفعت ضهرك فوق عليتي بي  
فوق جبال أطلس  
لقينا بن اليمن ..  
قهوة مزاج رايق  
وادي طرابلس جنة المدن  
ترويها مية عدن  
ياااه !!  
كل اللي فوق فايق  
وكل شيء من تحتنا أخضر  
أخضر في أخضر  
كل شيء بيدور  
دنيا ف طبق بنور  
ما فيهاش متضايق  
أصغر ما فيها سعيد  
والصيف ربيع عايق  
واحنا في يوم الوقفة



---

قبل العيد

بنحضر المواعيد


ليوم ميلاد البحر.

\* فتحت عيني لفجر النور

على حبك ،

لقيتني سعيد.

١٩٩٥ / ١ / ٢٨




---

لیہ کل دہ ؟

---

□ ۱۰ □



يا اللى انتى مش قد الغرام  
كان ليه بقى بس الكلام ؟  
أو الابتسام ؟  
أو التثنى وانتى جاية  
للأمام ؟  
أو رعشة الرمش  
اللى رشقت كالسهم ؟  
ليه كل ده ؟  
لما انتى مش قد الغرام ؟  
قلبي أنا لو يفتح، ما يقفلوش  
فى الدنيا شئ  
وانتى فتحتى كل شئ  
مش بالخطأ  
لكن قلقتى لى القلق  
صحصحت جواى  
وأنا كنت نيمته ..  
وعودته على

عشان أهدأ

وأعرف السكون ..

وعشت ساكن قبل منك

بيت شجون

مليان جنون

فرحان بـماضى كان زيك .

حنون

ثم انتهى ..

وفضلت شايه فى الجفون

عمرين ، ما خلانى أناام

ولا احس مرة بالزحام

وحاولت ما قدرتش

بكيت

وقريت عليه سورة ( ياريت )

فجأة انتصرت عليه غلبت وانتبهت

ثم انتشيت

وارتحت من كل الظنون

وفرحت بجمود السكون

جيتى .. وحركتى الشجون

صَحِيَّتِي فِي كُلِّ شَيْءٍ

قَلْبِي انْفَتَحَ فِيهِ كَامُ طَرِيقٍ !!

ما قَدَرْتُ أَحْلُقُ أَوْ أَحُوشَ

خَشْيَتِي دَمِّي جُيُوشَ

أَحْيَيْتِي جَوَّاءَ الْقَلْقِ

وَمَلَيْتِي تَلْجِي بِالْعَرَقِ

شَدِيدَتِي رُوحِي مَرَّةً وَاحِدَةً

مُ الْفَرَقِ

وَسَرَقْتِي مِنْ عَيْنِي الرَّمُوشَ

وَكُلَّ شَيْءٍ فِيَّ اَنْسَرَقَ

مَا اَعْرِفُشَ

دَه

كَانَ الصَّوَابُ

وَالَا الْخَطَأُ ؟

وَدَه ...

كَلَهْ لِيَهْ ؟

لَوْ بَسْ اَعْرِفْ لِيَهْ كَدَهْ ؟

وَمَا كَانَشْ لِيَهْ دَهْ مِنْ زَمَانْ ؟

لِيَهْ يَا .....

ليه إنتى مش قد الغرام ؟

ليه كل ما اتشوق ...

تخلّى الشوق ينام ؟

ليه الكلام ؟

ليه السلام ؟

ليه التنى

وانتى جاية قدامى

كل مرة

للأمم

ليه رعشة الرمش اللى

أصعب م السهام

ليه كل ده ؟

ليه كل ده ؟

١٩٩٥ / ٢ / ٢

هنا

هنا

هنا


هنا

هنا




---

جنين



\* جَوَّاءِ طِفْلٍ بِيَتَوَلَدُ لَمَّا تَهَلَّى بِكَفِكَ الْمَلِيَّانِ عَلَى قَلْبِي  
الَّذِي كَانَ طَوْلَ عَمْرِهِ حَامِلَ لَكَ حَنَانَ الْعَمْرِ تِيَجِي وَتَرْحَمِي طَوْلَ  
اِنْتِظَارِهِ لَطَلْعَتِكَ، بِتَحَبُّيْ طِفْلِي وَتَوَلْدِيهِ سَاعَةَ تَمْدِي لَهُ الْحَنَانَ،  
وَتَرْضَعِيهِ الْحَبَّ وَيِدُوقُ الْأَمَانَ مِنْ صَدْرِكَ الْعَمْرَانَ بِخَيْرِ الْأَرْضِ،  
طِفْلِي وَقِفْ بِالْعَرَضِ فِي نَصِّ الطَّرِيقِ شَلْتِيهِ لِفَوْقِ قَامِ شَبِّ عَنْ  
طَوِّقِ الطُّفُولَةِ لِلصَّبَا سَبْتِيهِ رَجْعَ كَمَا كَانَ جَنِينٍ، قَنَفْدِ فِي شَرْنَقَةِ  
الْحَنِينِ، وَفِضْلٍ يَنَادِي تَرْحَمِي طَوْلَ اِنْتِظَارِهِ لَطَلْعَتِكَ حَامِلَ حَنَانَ  
الْعَمْرِ، مَدَى كَفِكَ الْمَلِيَّانِ لَطِفْلِي يَتَوَلَدُ .

١٩٩٥ / ٢ / ١٠




---

وعايط

---

□ ۲۰ □



خليك في حالك  
قل : وانت مالك  
اسمع كلام المخوف ،  
والمخرف ،  
والمحرف ،  
والمزيّف في كتاب الوطن  
اسكت ولا كلمة  
انت اللي جيت لروحك  
وشربته كاس الشجن  
خنت التاريخ بالصمت  
وسكّت وقت ارتفاع الكلام  
أعلنت حرب الصيام  
وهربت من مواجهة المحن  
ولقيت بقيتك ع الرصيف  
من تحت  
ما حاولت تزحف خطوتين قدام

---

ولا نص خطوة فى الضمير العام  
بعترت الابيض فى السكك  
وشربت الاسود شكك  
غلطة صديق مشترك  
ومشيت (مهلك سر)  
جمل حموالك برك  
يجى ميت سنة للأسف  
ما فيهاش حاجة تسر  
فضلت وحدك عمر  
مزنوق فى آخر الصف  
غاوى على سور المدينة تلف  
وعند بابها تقف  
ادخل .. تقف  
ابعد .. تقف  
ارفع إيدك وقف  
فتح عينيك مرة وقف  
ما تعتمدش على الصدف  
وارجع لجغرافيا الحنين


---



---


تسبق خطاوى السنين  
خُدها مؤيد للامام  
ما تجيش فى مرة لخلف.

١٩٩٥ / ٢ / ٢٥



---

الفجر



---


وقدّرتِ عِ القسوة، نسيتِ الدنيا والشوق الجميل.  
قررتِ فجأةً طفلَ عمرك ينقطع  
وقدّرتِ عِ الهجر المذل المستحيل..  
ونسيتِ أعظمَ شيءٍ في دنيانا الأمل والنور  
وخضرة أرض نشوانة الجذور  
فوق ارتفاع الهرم  
ونسيتِ فرش الرمل بالحنة  
وورد الجنة فتّح  
في الحرم  
ونسيتِ إن النيل يبعثش للبكور؟  
طول عمري عطشان للحضور  
يا .. حضن أم.  
باستنشق الصبح الجميل  
من طلّتك كالشمس من قبل السحور  
باتلّهُف النسمة اللى جاية من بعيد  
يا بختها !!!

قدّرت على الأسوار تثور..  
وترشّ خيرها ع الأراضى البور تفور..  
تشق تربة عمرى وتمد الجذور  
تبزغ عيدان الزرع (ورود يا ورق)  
ويبرعم اللوز ويعوز يفتح فى العرق  
يا شمس شقت عشقت  
فى قلب ليل/ قلبى اترشق  
ساعة ما قلبك ضم  
يا نهار مبدر يا أصيل جيت فى الميعاد  
ما جيتش صدفة لما جيت  
عمر المصادفة ما تبني بيت !!  
قلبي اتملا بك يا هوى نور سرور  
لحظة ما جيت  
خففت فيه ألم الفراق كل الألم ..  
ارجع قوام .. حل اللقاء  
خلى الرضا يفيض م السماء  
ويعم أرض النيل زهور  
يا طلة البدر المنير

---

قم شد حيلك يا جميل  
إعلا وفور..  
خضر جفافي المستحيل  
اعشق وميل  
واقضل كعهدك سلسبيل  
ودليل  
على الصحراء  
وبشرة خير..  
وكون..  
وكن واحة رخاء..  
وارويني من نفس السبيل  
ارويني  
من  
نفس  
السبيل.

١٩٩٥ / ٣ / ٨





---

ایمان

---

□ ۳۷ □



زىّ اللى يكون تعبانُ من كثر الجرى ف مشاوير مُش على  
كيفه، ما يصدّق يلقى مخدة ويرمى دماغه عليها و يرتاح. أنا  
بالجأ ليك. أرمى حمولى عليك وارتاح. انت اللى ف كل الدنيا  
بتحملنى وّ باقى - ما اعرفش ازاي- خُف الريشة على إيديك.  
الأرض الشرقانة بتلجأ للفلاح. وانا رمل حياتى بيلجأ ليك. من  
ساعة نن عينيّ ما شاف صورتى فى عينيك. نن عينيّ كمان  
شاف صورتى فى عينيكى. شلتينى ف ثانية من أرضى رفعتينى  
على رموشك للسماوات. رجلىّ ما زالت ع الأرض لكن مبسوطه  
بتجبرى وترقص بثبات، بارمح فى عينيكى السود، ما تحوشنى  
عن مقصودى سدود. واسرح فى غيطانك. شجر التوت المنان.  
والحنان، والإنسان اللى يحبك ويحب تكونى. زتونى وتينى و  
قمحى وقطنى ولمونى. ووردى وشهدى وعرضى وطولى. وعودى  
كمنجاية عمرى وقانونى. وشفايفى وصدرى وضحى وراسى  
ورجلى اللى تمشّينى. وتصبر قلبى على سنينى. لوّجعت الصبح  
تفطّرنى، وان جعت الضهر تغدينى. وان جانا الليل - من غير ما  
اطلب. - بتعشينى. وان عمت ف بحر النيل شعرك مفروود مركب  
بيعدينى، ما اتبلش ولا يبلعنى الحوت. ما اتبلش ولا يخطف منى


---

الصيد هلفوت. ما تبلى ولا يلهفنى ف جوفه تابوت. ويأكى  
العمر بحاله أعيش وأشوف. وف عز الصعب أفوت. لو نبعد عن  
بعضينا. لو نبعد. النور فى عينينا يموت.

١٩٩٥ / ٣ / ٢٠

---

يَمِين



---

على النعمة حبيبك  
وحطيتك في نين القلب  
من جوه  
وغطيتك  
برمش الحب  
خبيتك  
من الحساد  
وباستنى طلوع الفجر  
أفرح بك  
واحلى بك صور شعري  
واضفر شعرك السارح  
بنور فجرى  
واشيلك والنهار نجرى  
على كيفنا  
وندهس ع الطريق خوفنا  
نعيش الفرحة ع الآخر  
أحبك .. وانتى ويايا

---


تكونى فوقى ضلالية  
واشيك بين رموش الحب  
فى عيني  
على الحب  
حييتك.

١٩٩٥ / ٣ / ٢٢



---

حَضْرَة  
(إلى عبد الله السيد شرف)



رايح للمحبوب (صناديد)  
أقرأ ويأه في كتاب الحب واعيد  
أتوضا واصلى لموسم جاى  
أتملا ف نور النور  
واقطف فى جنينة بيته  
الشهد سرور  
واحلب من فوق أعلى  
الأشجار فى الغيط  
لحييتى (لبن العصفور)  
يشفيها ويخليها  
بالصحة تفور  
وهالف  
والف ف  
حضرة ملكوته وادور  
يناولنى بأيده البيض القربان  
وأمزج فى حضوري معاه  
أصل القهوة

---

وروح الشاي

راح اطيّر في وسعاية داره

طيوري

يهدّيه بنوره الوضاء

ترجع لمنابع نوري

نلعب في وسعاية الحب جميع الألعاب

كوره وطاولة وكوتشينه

و دومينو و

حمص وحلاوة

عزيزة ويونس

وعلى الزبيق

والاغوات

حراس الباب

هاشرب ويا الاحباب

نفسين

بوضوح

من أحلى شراب

نفسين من أقدم شئ موروث

من أجدد شئ موجود  
يفرح وأشوف فى ضلوعه القلب سعيد  
أحكى له عن (دِيمِشَلَّتِ) الخُضرة  
ويغنى لى عن خُضرة (صناديد)  
عن حركات أصحابنا القرعة  
عن زنديق ومُصنم يخطب  
يوم الجمعة  
عن بنت بتجرى فى شارع  
(قصر النيل) ..  
أخر الليل ..  
آخر روعة . وآخر لوعة ..  
وأخر أتوبيس ..  
إدريس ..  
رمى نفسه فى النيل يمكن يرتاح منا  
عن غضب النيل لما رماه ع الشط  
عشان يتحط ف وسطينا  
ويرجع .. يتعذب زينا  
ويكتب .. بإديه وبرجلينا

---

... عن أحزاننا  
و أحلام ليالينا  
ليه بقى ما انساش  
لجل ميعادى معاه  
كل المواعيد !؟


١٩٩٥ / ٤ / ١٧

---

استيننا

---

□ ٥١ □





استيننا ..

واللى كان كان يا حبيبى

واتلاقينا

فوق قمر حنّان علينا

جبنا شوق الدنيا منه

يوم ما جينا

الإيدين مشبوكة فينا

والعينين حلوين

ومش باينين

عنينا

نبض واحد، والقمر،

جمع قلوبنا

عشنا فى الجنة وكانت من نصيبنا

- عوّضت صبر الليالى

عوّضت سهدى وشوقى

ليك يا غالى

- حققت لى صور

سنة ١٤٠٠ هـ  
جيت حقيقة  
والتقينا  
صبح هذا اليوم  
قُبالي  
جيت في حضنك  
لم أبالي ..  
بالعيون الصفرة بتحوط علينا  
والقلوب السوداء تحسد حبنا  
المالي عييننا  
خدتنى بقوة لحناك  
لم أبالي  
دُسنا فوقهم لم نبالي ..  
والتقينا كلهم أشباه رجال  
التقينا هم سَحالي  
دسنا فوقهم  
واندفعنا  
مُهرة والخيال طلعا

فى الوطن كله رمحنأ

جرىوا وىانأ وسبقنا

لما تعبوا جرىنا إحنا

- إحنا فىن دى الوقت فىن ؟

إحنا فىن وهم فىن ؟

بينا وبينهم دنيتين

القلوب البىضا فوق

أعلاها تخت

والسواد فى الأرض تحت

كله حسرة ع الله راح

صدق انه مالهش بخت

دن يا خاين يوم تدان

دن تدان

واشرب السم اللى حطيته

لصاحبك من زمان

مت بكيدك

وانطفى قبل الأوان

كنت ليه حاسد حسد ؟

على الحاضرى


---

كنت ليه شر اتوجد  
فى الكون وبان ؟  
كنت ليه ضد المحبة والحنان ؟  
كنت ليه عكس الزمان ؟  
كنت ليه شيطان وعاش  
عمرك انت وراح بلاش  
رُحْتَ تَدْحَرْجْ لَتَحْتَ  
والحبايب فوق سما الدنيا  
وطايرين  
فى البراح  
بيرفروا للشمس  
تولد كام صباح  
موتت لياليك وأحييت  
روح مُحَبَّة الحياة  
روح بتسعد بالرضا  
وبتجعله طوق النجاة  
روح بتكبر كل مادا  
وتنتصر على كل آه

---

فوق سما العالم بعيد  
كل وقت وفيه جديد  
فوق قمر عالي المكان  
كل وقت وله أذان  
لما يبقى القلب شعله من حنان  
يبقى كل العمر عيد

١٩٩٥ / ٤ / ١٨




---

**مدد**

إلى أحمد شمس الدين الحجاجي

---

□ ٥٦ □





بحسن النية قطعني  
وغص في اللحم  
واغرز نابك البارع  
في عضم اللون  
ياسيف الحب يا (ذا النون)  
أيا مشهور في وش الكون  
مانيش أهبل ولا مجنون  
ولا أكذوبة في البتارين  
ولا برواز بيتكلم بلمبه نيون  
دا انا شايف من الضلعة  
جلال الكون  
وفي الأطلال هرم شامخ  
لكين مدفون  
وفي الصحرا رجال صاحيين  
بتزرع قمح في الزنازين  
وبتعلّى العماير فوق

---

بتجنى زرع أيديها

وتتملك مبانيتها

وتلبس خير مصانعها

هياه وتشرب من هياه النيل

يا (نور الدين)

معاذ الله !!

أنا إيش اكون ؟

معداوى

وجيت غاوى

ونار الحب دافعانى

أنور (البريا والساحة)

واشوف الميه بالراحة

بتروى الأرض حب النيل

أنا الميه اللى بالراحة

بتدفع فى بلاد النقط

عرق النيل

وحب النيل

---

وشوق النيل

أنا الماويل !!

غنائى راح هدر .. لله

لا قلت لحد أنا خدام

ولا الاتنين أنا سيديكم

ولا طالب أكون أكثر

من الملح اللي فى رغيفكم

ضعيف مطلوب

ومش طالب

غريب مغلوب

ومش عاجب

بتعلا العين على الحاجب

لانى جبان

ويا تمسح فى ديل توبكم

يا أسيادى

يا أهل الله

مدد منكم تعدونى

---

وَشِدُونِي  
أَنَا الْفَرَقَانُ  
وَأَنَا الْمَجْذُوبُ  
أَعْرِنِي التَّوْبَ ..  
يَا مَحْبُوبِي  
يَا سَيْفَ يَا طَبِيبَ مَعْدُنِي  
وَمَشْ لَاقِيَ سِوَايَ حَبِيبِ  
بِيسْتَحْمِلِ قَسَاوَتَكُمْ  
مُشَارِطُ بَعْدَكَ الْجَافِي  
مُشَارِطُ قُرْبِكَ الْوَافِي  
مُرِيدُ حَافِي  
وَمُتَعَاْفِي  
بِيْزْرَعِ كُلِّ يَوْمٍ فِدَانِ  
وَيَحْصُدُ كُلَّ عَامٍ نَدْمَاهُ  
يَا نُورَ اللَّهِ !!  
أَمَانَةٌ تَخْفُفُ مَرَّةً تَعُومُ  
أَمَانَةٌ يَا عَمِي تَنْسَانِي

---

---

دا انا من قبل ما تجيني  
وفي رحابك  
يا سيدنا القطب  
نجم الليل  
وشمس العتمة في المواويل  
ومش أهبل ولا مجنون.

١٩٨٨ / ٨ / ٨



---

**الأوسطى**  
(إلى عبد الحميد يونس)





---

عشرين سنة

وانا

رغم قُربى غريب

حبيب

وباغسل مقام سيدنا الحبيب

المية رشرشتها ف كل اتجاه

ومشيت ادب ديب

حلمك ناداني صحيت

شممت رايح بخور

سميت عطور صبورك

متشعشة بالنور

حضرة جناب حضرتك

متشعشة بالنور

السبحة في ايدي صابحة

وانا السبيح

قربت من بحر لكيتني طريح

حتة صبي خايب ..

---

شدّيتني من خيبة أمل رايب

وذيتني للأصل الصريح

وقفت حيلي مشيت

فوق سطح موجك جريت

مليان بنور من حذاك

وبرقوتين من (يداك)

حفضتني م الهلاك

وحميتني من (حاسد حسد)

ما حسد شي (إبن البلد)

يمكن تعب والا اتهمد

لكن فرد ضهره وقام

فارس همام

عديت بحور الضلام

(جلجامش) المصري الأصيل

(أبو زيد) وصل

شط الأمل

يا (عجميد يونس)

طلع م الحوت

---

تتحدّى من صُفرك  
خيوط عنكبوت  
تفتح طريق المحرومين م النور  
شديتتى من خيبة أمل  
- قبلن تكون (أستاذ)  
لزمأ تكون (أوسطى)  
احفظ حوارى الغلابة  
الكتب بعدين  
صع ولا ضيع  
ما تخافش م التوهان  
علمنى اصصح لغدر الزمان  
إدانى مصباح عجب  
خاتم دهب  
مفتاح (كنوز سليمان)  
وسابنى من غير أوان  
أحفظ حروف الحوارى  
والكتب الاتنين  
وما اخافش على قولة من التوهان

---

دُورَت مالقيتهوش  
سالت دموعى غرقت لى الزمان والمكان  
ما شفت إلا وانا  
قبل الأوان شايع  
هلكان قوى .. وعجوز  
فاقد جميع الكنوز  
لا فُ إيدى عكاز خشب  
حتى ولو خايخ  
ولا الدليل إنسان.

١٩٨٨ / ١٠ / ١٠

---

جمال حمدان

---

□ ٧٣ □



---

من قبل ماتودع  
جانا الخبر فرقة بتلشوع  
(سابوا التاريخ يرجع)  
وفضلت تدفع  
وتدفع

هوجة الأيام  
(سابوا التاريخ يرجع)  
وقفت عقلك سد يمنع  
ويقلع  
ويرفع  
ويقطع  
ويوجع  
ويزرع

يحافظ على المجرى لماء النيل  
شفقت الجميل  
بيمر بالازمة  
دمعت عينيك واتهزت الضلعة  
دفعت ماء النيل

للزّرع في الصحرا  
عَمَّ الخَضَارِ اتَفَرَّقُوا الكفرة  
طلت دقونهم قفلت الأبواب  
حومٌ على عشك  
يا صقر غراب  
طالت دقون الاغراب  
سدّت علينا الباب  
تربسته بأيديك  
وحفظت بصّة عينيك  
ما تشوفش غير النور  
ورضيت بسجنك جُسور  
طلعت فوق البرج أعلى السور  
ونَقَشْتُ ع الجدران  
جميع السطور  
على مادنة القلعة  
رفعت راية الحقيقة كتاب  
(فلتحيا مصر شباب)  
وسرّيت في عزّ الضهر ميت شمعة  
ترشّ الضىّ الأبواب

ع



لاهمك المكسب  
ولا عناك العذاب  
ولا هد حيلك غفلة الأصحاب  
ولا خس نيلك من خيانة الكلاب  
وفى عزلتك يا جميل  
مع إننا كنا في عز الليل  
شفنا وطننا العليل  
تمثال جمال  
جندى أصيل  
زينة الرجال  
يا مصر  
بيرد غيبك في المسا  
والعصر  
ويصد عن بابك  
جيوش التتر  
ويرد عن زرعك  
جراد الخطر  
ويخضرك بالمطر  
ويعرف أولادك

---

طريق الوصال  
الحب صافي زلال  
من غير غرض يا خال  
قادر  
يعدى جبال  
ويحرر الخارطة من الأهوال  
شرط التاريخ النبيل  
نعشق تراب النيل  
حيطان البيوت  
وحب التوت  
وضخامة الجميز  
ونحافة المعيز  
ورهافة السكوت  
وحتى صيص النخيل  
والنكتة تضيئ  
جوه قلب الليل  
وشعب مصر الأصيل  
ساعة يقف للويل  
ويحارب المستحيل

---

---

والصبح يطلّع جميل

يا ا ا ا ه !!

ياما اعظم الحب

لما يهْبُ

جَوْه القلب

يحمى الشعب م الأخطار

يا ا ا ا ا ه !!

يا ما اعظم الحب

لما يشبّ

ساعة الغرض

يحمى العَرْض

يزوى الأرض

مئة نار !!

يا ا ا ا ا ه !!

(يلعن أبو الانهيار)

حافظ على مجراك يا نيل

ما تسيبشى نقطة لدخيل

صاحبك حاميك

أهومات

---

مَنَحَكَ حُلَاوَةَ الْعُمَرِ مِنْ سَكَاةٍ

غَرِيْنٍ هَوَى فِي الطَّمِي

يَزْرَعُ ضَلَّ

وَيَا الضَّيَّ

يَنْقُشُ قَلَّ

فِي الْأَلْوَانِ

(فَلْتَحْيَا مِصْرَ شَبَابٍ)

وَلِيَحْيَا دَائِمًا فِي شَبَابِهَا الْحُبَّ


وَلِيَحْيَا لِلجَائِيَيْنِ

(جَمَالُ حَمْدَانَ).

١٩٩٣ / ٤ / ٣٠

---

**هن غير دور**  
( إلى عبد الوهاب داود )



---

قاعِد لَوَحَدَكَ لِيهِ؟

قاعِد بِتَعْمَلْ إِيْهِ ؟

زَمَنِكَ خَلَصَ يَا بِيْهِ

وَمَا عَادَشَ فِيْهِ ..

بِسَمَةِ تَبَلُّ الرِّيقِ !

الْكُرْسَى بِيْكَ بِيَضِيقُ

حَتَّى الصَّدِيقِ

الرَّقِيقِ

مَا بَقَاشَ يَجِيْ لَكَ بَرِيْ

وَقَلْبِكَ أَنْتَ الْجَرِيْ

بَقِيَ تَلَجُ قَايِدَ حَرِيْقِ .

قاعِد لِيْهِ ؟

وَيَأْيُهُ ؟

بِالْهَمِّ طَالَتْ ضَوَافِرُكَ فِيْهِ

بِالْمَوْتِ جَاحِظُ لَكَ عَيْنِيْهِ

قَافِلَ عَلَيْكَ الطَّرِيْقِ .

عقلك بـيرقُض ينام  
وعَيْنُكَ بـتقرُضُ كلام  
بتردُّ ليه السلام  
على مين ؟  
ولفين سلامك ؟  
كلامك لمين ؟  
- نَفْسُكَ فِي إِيَّهِ الْآنَ ؟  
- نَفْسِي أَشَدَّ الْحُصَانِ  
- مَا بَقَاشُ عَشَانِكَ حُصَانِ  
نَفْسُكَ فِي إِيَّهِ الْآنَ ؟  
- نَفْسِي فِي نَفْسِ دُخَانِ  
- مَمْنُوعٌ عَلَيْكَ .. مِنْ زَمَانِ  
انزِل .. زَمَانُكَ نَزِلْ  
مَهْرُكَ بَاعُوهُ لِلشَّلَلِ  
مَهْرُكَ نَزِلْ  
بطي وراكب عجل  
مُهِرْكَ وَصِلْ  
افرض يا بيه مُهِرْكَ وَصِلْ



---

تعرف تشبُّ عليه ؟

يمكن يعود

يملا الوجود

بالوعود

- قل لي : بتعمل إيه ؟

قل لي : ها تعمل إيه ؟

- باستنى رجعة حسانك

يشيلنى أفوق

وينتشلى م الفرق

وأفوق

وارجع إليك طائر

أبلغك سلام أصحاب

ووحشة الأحباب

وقعدتك بيننا

فى وسط الغاب

جميل ، ولورد ،

ونبيل ،

صافى كماء النيل

---

عَذَّبَ الحديث وأصيل  
ما تعرّف الغيبة  
ولا ترضى بالعيبة  
ولا عن وش الحبيبة تميل

« اشرب وهات النور

ورد فطبق بنور

يا سلسبيل الزهور

يا حُبنا الغندور

روّق وعلى ضياك

خلينا نستناك

وتعال من غير دور

تعال من غير دور «


١٩٩٣ / ٧ / ٤

---

زهدى الرسام

---

□ ٨٧ □



(١)

قلمك جد

علشان كده لازم يفضل حاد

قبل ما تبريه

موس البراية يتسنّ

والميلامين ده لازم

يخشن

ادى له خشب ، وناولنى مسن

جرس التليفون بيرن

قلبك رغم التجاعيد والسّن -

مازال يا ولد بيحن

أهلاً

اتفضل فوراً

لسه الدبور على وذن التمثال بيّز

بيساعدك وانت توتون

بيغنى لك ويدندن

بيحط فَبُق حَنَانُكَ  
عيشِ سِنٍ  
قلبك مليان بالفن  
ويدي الناس السلوى  
من غير المن

خليك على حالك  
حِنْ وَحِنْ وَحِنْ  
وَحِنْ

طوّل بالك وان  
ما طوّلتش غصبي

عن كل الناس

وام عيالك

تتجنّ

خُليكَ على حالكَ

فِنْ وَفِنْ وَفِنْ وَفِنْ

هتشفّل على كيفك

مجانين الجن

\* \* \*

جزار الغبرا الدموى رئيس سلخانة القصر العينى المشهور  
 فى مجلات (الروماتيد) - يخرب بيته - قطعنى حتت. ساب كعب  
 إزازه ببيسى فى الحالب ودلقنى. جتن صاحبك (مختار). طير  
 برج نافوخه وطار من منظر دمي ملغمط فستانه الأبيض  
 وجوانتيه. كان شايل فى إيديه كم مشرط . مختار اللى بيتنطط  
 من أيها شئ علشان خاطرى . ثبت جاشه وقال له: ما اعرفش  
 الفرق ما بين الدكتور وسيادتك! قبل ما تخلص جملة (مختار)..  
 عينك ما تشوفش النور.. أودة العمليات والسلخانة الالى  
 ماتفرقش. هلى تفرق بين (أحمد عدوية ومدحت صالح وإيهاب  
 توفيق ومحمد نوح والحجار؟). إن كانت بالنفى إجابتك ،  
 فالعمدة الأمريكى وصل . واتحكم فينا .. بالدش . خيلنا ويا  
 النساوين قاعدين فى القرن الماضى نحش . نتحسر لغياب  
 القاضى العادل مش أكثر. (عبد القادر) أحيانا بيربح نفسه .  
 أحسن حاجة اللى بنعملها الآن . لا نهش . ولا ننش . (توفيق  
 صالح) ما بيعرفش الغش . واهو حتى الآن ما وصلش. و (نبيل  
 الألفى) حصل ع التقديرية ويستاهل أكثر منها. مع كل جوايز  
 الدولة القطر ابن المركوب ما بيرحمش . بيد لى اللى عليه  
 الدور، قبل ما ييجى عليه الدور يتدهوس زى العملة المصرية ف  
 طرف صوابح الطور .

---

(٣)

هانت تمثال لـ (فؤاد حداد)

وانا متأكد :

هيقول شعر جديد جداً

أنا متأكد:

(الأرض اللى بتتكلم عربى )

هتتجدد

لما التمثال يدن .

فن النحت بدأ هناهُ

فى الجبل الشرقى جنوب أسوان

وف عز الليل قمر الضهرية طلع

هناهُ

من عشرين قرن وسابقين

ع القرن العشرين

نور قمر الضهرية

مداخل كل الدور

\* \* \*



(٤)

كتفك مخلوع ؟

من إيه ؟

م الكاريكاتير ؟

منه لله (المأمور)

كان (كومبارس) ف مسرح

سجن المعتقلين

و (صلاح حافظ) كان هوّ

(المأمور) بالفعل.

(٥)

كل اتنين اصحاب .. اصحاب

كل اتنين مشغولين فى كتاب

القعدة الشعبية ف (هيلتون)

فَشَرَتْ جنب شجرتين اللباب

بيطلوا على مرصد طلعت حرب

الأمريكى ف (عابدين)

(عابدين) اللى بيكره ما يُحبّش

يفضل طول عمره يُطبّش

---

فى شبرالميه الى رماه البواب  
- فى (ميدان التحرير)  
ضربت بُمبة بدقن طويلة ف زُمَارَةٌ  
قطر سياحي الأمريكى طَفَشَ  
- يانهار أحمر .. من (جورياتشوف)  
الى يعيش هيشوف  
- صلِّح يا حويط  
الى يعرف وطنى من صنفك  
رُبْع دقيقة يا ما يشوف  
- (عابدين) الى ورانا  
باع الأوقاف للغُرب  
- بدلة طلعت حرب  
اتعرضت فى مزاد  
يوم (الأربع) تحت الربيع  
تعرف جابت كام ؟  
نُص جنيه مخروم .  
الشمس بقت تطلع م الغرب  
- تبقى هرابيدنا الشيك دياً

---

لواتباعث ها تجيب كام ؟!

- (نلسون مانديلا) خرج
- يستاهل!
- ثلاثين سنة دعوة أمة بتترصد
- في غابات (أفريقيا)
- نفعت..
- ورا تفكيك (السوفيت الأعلى)
- (عفت) ؟ ؟
- زى ما هو ..
- (ومحمد ابو عمر) ؟؟
- سافر ، ورجع
- ، سافر
- (أحمد حمروش)
- هيبيع الترمای أغلى
- فُضْكُ يا ولد
- رسمك أحلى
- رسمك يا معلّمهم أحلى
- وانت و (عم اسماعيل) قدامك أجمل

---

من صُور الأخبار في الجنة

- (محمود توفيق) ؟

- سَاب (كَانَ) وَيِيدُورْ

على (إن)

- صُورْ يا (ابن حسن)

على آخر ما (الكاميرا) تشيل

- صُورْ يا جميل

- وحسابك مدفوع م الأول

رائد - مد (يدك) اقْبَضْ حَبَّةَ مواويل

بالألوان

- شوف يا (بو خليل)

واتأمل

طوف واتعلم

فن الشَّوْفَان

ها تصوّر من غير ألوان

بالألوان

- والعين التعبانه داهيا

- هتشوف أحسن منا

- العين التعبانة داهيا

- منتطلع م الداخل لونا

- أبيض م الصينى بعد غسيله

والا .. قبل ما يتطش

ف بحر النيل ؟!

- (عنتر) شايل ديله ،

وبيحاسب يتبل

ف (شارع سوريا)

- شفته امبارح أشعث

أعبر

متعاص بالزفت

ومتليط بالنفط

ومتقطع - ولا أجدع شحط

فى (ميدان لبنان)

على (كوبرى عباس)

(فكرى الخولى) يا ناس

شافه، وشه اتغير

- ده مش (عنتر) ..

---

ده يبقى (صلاح الدين الأيوبي)

- يوووه !! ما تفضّوها بقي.

لجل الأشواق تتمد

- إوعى .. ما تعملهاش زعلة بجد

(صبرى) بيحب الفول ..

بصراحة .. من عند (الجحش)

ينزل آخر الليل جيش الكرتون

يتحرك فى الشارع بالعرض وبالطول

يبقى الفجر بيدن .. يدن .. يدن.

واحناف عش (الجحش)

بناكل فول.


٢٣ / ٧ / ١٩٩٤

---

جميع الأسماء غير الكاملة فى هذه القصيدة لأصدقاء زهدى وأصدقائى: عبد القادر التمساني، مختار السويفى، توفيق صالح، فؤاد حداد، صلاح حافظ، صبرى موسى، نبيل الألفى، محمد عفت، محمد عمر، إبراهيم حسن.

---

يُنْم  
(إلى عمر نجم)





---

- أنصت .. لصوت المعركة ف قلبى

أسمع .. صدى الانتصار انكسار

والقانى .. مَيّت حىّ

- أنصت لصوت المعركة جنبى

أسمع صدى حبى

واشتاق قوى للهدوء

- أفتح عيون الشوق

ألقى الأصل غطسان

فى بحر الليل

يكونى ضلوعى كىّ

- لعلع يا زرع النيل

بروح الخضار

وأمرنى (سمعا) أطيع

واشم عطرك من شعاع الضئى

- إدينى كاسك يا الحبيبة حىّ

مدى الشفايف واشريينى نىّ

التمر جاى من (سوهاج) وافى

---

عشّق عنب (كفر شكر) الدافى  
جَمْرَةٌ صبا صابحة ونهار صافى  
بتشدُّ بالفرحة شباب الحى  
وتخفّ نُقلِ انتظارهم للربيع الجائِ  
- يا مية المحياة .. يا أحلى مَيَّ  
بتذلّى لى الصعاب  
وتحلّى لى العذاب  
أستحلف الصبر الجميل بالروح  
يبعث وراه الرى  
يا مية المحياة .. يا أحلى مَيَّ  
غنى لى كل شوى  
لحن الجائى ،  
زى زمان  
وعيشينى الأمان  
فى حضنك العمران  
وعيشى بى انتصار الجائى.


١٩٩٥ / ٤ / ٩

---

نون

---

□ ۱.۳ □



(١- نيل :

بعد ما يشقّ الجفاف الأرض

تتحول شراقي

تيجي

زى النيل

تلمى جرح قلبى

وتسندى عودى

تقف أوداقي

أهطل تمر حنة

ع اللى رايح

واللى جاى

يا حبيبة الباقي من عمرى اللى جاى

وياكى ، فرحان بالحياة

إنت الكبيرة اللى تناولنى الحنان

وتبلّ ريقى مرة واحدة بالآمان

ويبتنعش الدبلان

فى أرضى.

بالمحبة  
تخضريني حبة ، حبة ،  
تفرحيني .. حبة .. حبة  
تسبقني الحاضر  
تعدني بي الحاضر ..  
حبة حبة

تلحقيني - كل ما انشأف -

بالمحبة  
إلحقيني بالمحبة  
واسبلي حُبك علي  
كل ما مرّ ف حياتي  
قبل منك

كله رايع  
وانت جاية  
قربى ضلك علي  
إمسحي بشوقك جيني  
هتلاقيني  
بارتعش

---

تخضرى

عيشى

عمر أزهى

من ليالينا اللى

غاب منها القمر

اللى عشنا ف قلبها

قلق السهر

واللى دقنا فيها طعم المرّ

من طول السفر

كنا ف هجير شاتين

بنبحث عن ربيع

يطلع فى آخر الليل

سراب

وطلعت لى زى مية

م السحاب

وطلعت لك من بين سطور

آخر كتاب

نورت ليلى

---

وشفتِ إسمي  
في السطور  
وضلامتنا راح  
ويا الخطر  
ولقينا كل الدنيا نور  
أرض الجنينة الخضرة  
ميت مليون قمر  
بينوروا لنا  
عشان  
نعدي للامام  
والدنيا نور .

١٩٩٤ / ٨ / ٨



ب - نور :

الشمس نزلت من سماك

حطت عليك

جابت عروسة هواك

قضيت العمر تستنى

وتستناك

ما شفتهاش - ساعة المفاجأة -

ارتبكت

حسيت - فحسب - انها جواك

عايشة ف ملاح هواك

أمورة من قلب ريف

بعيون وسبعة ،

ونبقتين فى الوش

قلب خفيف

وبرمشين جيد رهيف

بترضحك فى الخريف

وتضلك فى الصيف

ويتوب فرايحى شفيف

بتلم توهتك كلها م الرصيف

تهديك لآخر مداك

برعى

---

تلقاك أبو العرّيف  
ترمح في بحر الذهب  
وتعوم لشط العرب  
ترجع اللى هرب  
وتشدّ حيل العراة  
يصحى وجودك بها  
يتمدّ جسمك معاه  
تبقى الحياة ابتسام  
تصبح لقلبك بهجة الأيام  
تمنح وجودك روح  
تجى معاك وتروح  
وتخلّى حبك يروح  
حسك وعينك تنوح  
اضحك بعلو الحسّ حُبك أتاك  
ويوم ما ييجى الحب تشفى الجروح  
هى اللى من ميت سنة طلّت من الشباك  
شدت رموشك كلها بشباك  
وفضلت تستناها طول العمر من جواك  
عدّيت على السنط واتجرّحت م الأشواك  
جات لك فى عز الضهر جنية تنور صباك

لما تقول: أهواك  
وانت اللي لازم تكون لها صديق  
وصديق طريقها الجري  
فتفتح عينها ف عينيك  
إديها عمرك تستفيد عمري  
وتعيش في حضانك جميع السنين  
خلي القدر ياخذك بساط الريح لفوق  
واركب بكل الشوق خيول المستحيل  
اسحب مياه النيل  
رشف الفضا مواويل  
خضر فراغ الكون  
خلي الورود ميت لون  
شد الجميع لهواك  
وان يوم هستتناك  
امنحها كل سماك  
دي .. لو عينيك شافت  
من قبل يوم الميلاد  
طول عمرها بتهواك .

١٩٩٤ / ٩ / ٢٥

ج - نعيم :

دائماً تقولى كلامك ، من ورا قلبك  
وانا قلبى - لو بتصدقنى - حبك  
وقفل عليك الباب  
قربت منى إيديكى  
كان نى عيني ف عينيكى  
قلبين بيتقابلوا على موعد  
- أنا كنت سيّد - صدقى -  
قبل اكتمال التوحّد  
وكنّت ستيّ فى البراح الممهّد  
صرحى اللى مرفوع للعلا  
ما هزّتوش أبداً رياح الخلا  
ولا خافش قلبه يواجه التيار  
- قلبين بيتقابلوا على موعد  
رفعوا رايات التمرد  
انزاح يا حدّ التبلد  
مانتاش هتقدر تغلب التجدد  
شالوا التردد

---

مدوا للقدّام

ما ضربوشى للأعداء سلام

ولا صدَّهُم ضرب الكلام

ما خافوش من الأوهام

قلبين كبدر التمام

نورهم

لروحهم

سند

بیشدهم

للأمام

ويُعدّهم

للبلد

خلين

حنين

من رَغَد

ونين عين

فى العين

عريسین

---

وقلب أتحد  
واتشد حيل الجسد  
أرجوك تيجي يجد  
تيجي ومن قلبك  
دانا قلبى - لو بتصدقى - حبك  
وقفل عليك الباب .

١٩٩٥ / ١ / ٧

## د - نار

هتجيني إمتى تخلصيني م العذاب

وتردّي توهتي في الغياب

وتنزّليني من صليب خشبه

من اللباب ؟

ما تيللا تيجي وترحمي قلبي اللي داب

دبدب عليه النمل ما استناش جواب

خش الخشب بشويش

خلاه نشارّة سراب

مشي الشاكوش ع الوشوش

ما قدرت احوش

ولا شفتهوش

ولا حسيتوش

كلّ الوشوش

دي غيرت لونها

وفضل لي لون الاغتراب

بيغطي حبك جوه صدرى

يحفظه يفضل شباب

---

ماهيش يا نبض الروح  
فى عرق الدم  
شقشقة الشراب  
ولاهيش رتوش


فى إزاز وشيش  
أو عقب باب  
وما فيش سواكى فى الوريد  
بتحبى إنى أكون سعيد  
لو جيتى تبقى الوقفة عيد  
والعيد يزيد  
ما يكونش من بعده مزيد  
عالم - وحق عينيك - جديد  
هتيجى أسرع من وصول  
أسرع بريد.  
علشان أعيش  
ماليش مثيل  
وبيك سعيد.

١٧ / ١ / ١٩٩٥



---

م الأول وجديد



---

وحداني ف وسط اصحابه

وحاسس

إنه ف بيته غريب

مهموم

مشغول البال وكثير

محروم

من نقطة ضي ترد الروح

من نقطة مية تبل الريق وتروح

من نقطة حب ف قلب وكله جروح

واحشاني وساياني أعاني

واصبر نفسي واقول: جآياني

وانتي بتحاربي مجيك بهواني

بتقولي : استناني

واستني واسن سناني

تتكسر من جوعي ضلوعي

والقاني باقرقش

أحزاني

---

واستنى وما تُجيشى  
وبإيدى أقصقص ريشى  
وازعق لك بالصوت الحيانى  
ماقلتيش : إنسانى !!  
صاحبك مهموم  
وكئيب  
وف موقف غير إنسانى  
بيحاول ينساكى  
ينسى يا حبيبتي جنوحك  
وأساكى  
يتكرمش حبة ف حبه  
ويلقاكى  
نسمة عمره اللي ترد الروح  
يرجع م الأول وجديد  
يستنى الأمل المجروح  
ويقول : جايانى


١٩٩٤ / ٦ / ٦

---

## اعتراف

---

□۱۲۱□



مرحباً بيكى وأهلاً يا صديقة  
يا لى من عمريين باحبك  
وانتى بتحبينى وينفس الطريقة  
مستحيل ومنعنى اعبّر عن عواطفى  
مستحيل منعك تبوحى بالحقيقة  
رغم إنك شايله روحى  
بين ضلوعى يا غالية وردة تطفى جوعك  
ارتعشت كثير زمان  
لما شفتك والحنين ماليكى بيه  
ارتعشتى بين عينيه  
لما حسيتى بأشواقى فى إديه  
من زمان وأبعد بعيد  
كل يوم حُبك يزيد  
كل ما تصدّينى أعرف، إن طيرى عليكى رفرف  
إن شوقى ليكى بيهيج مشاعرك جوه صدرك  
أبعد أكثر لجل اطاوعك  
تجذبينى كل ما ادا رى

بعينيكى  
أختفى فيكى  
تلاقينى  
دقة عالية فى وريدك  
تختفى جَوَّاي تبقى نبضة حامية  
فى عروقى  
ولعى لى يا حلوة شوقى  
زودى نارى بقربك  
خلى مئة حبي تغلى  
هتلاقىها أحلى شربك  
اشربىها واغسلى همومك وقومى .. لجل انشف لك دموعك  
سالكه انت (مايكش) حد غيرى  
وانتى خيرى الطيب  
المسحوب وطيرى  
اللى سارح بي فى حضن السحاب  
سيحبنى فى حرارة الشمس  
أهطل .. أروى  
أرضك ..



---

مِيةَ المحَاياة تخضُرُ لى زرعِك

ميتك دافية تخضُرُك ربيعى


نستحمى فى المحبة

ياللا قومى .. قومى بينا

قومى فينا

نستخبى.

١٩٩٤ / ٦ / ٢٠



---

## القرار

---

□ ١٢٧ □



أَصْعَبُ مَا فِي الدُّنْيَا الْيَوْمِينَ دُولُ  
الْقَرَارِ  
الدَّمُّ مَا يَقَاشُ كُرَاتٍ بِيضًا  
وَكُرَاتٍ حُمْرًا  
أَصْبَحَ عَدِيمُ اللَّوْنِ  
وَمَاسِيخُ  
بَارِدٌ وَبَايِخُ  
وَأَسْخَنُ  
مَنْ يَلَاطُ الْمَدُنَ  
كُلَ الْأُمُورِ اتَّسَيَّتْ  
لَا اللَّيْلُ بَقِيَ ضَلَمَةٌ  
وَلَا الشَّمْسُ  
تَعْنَى نَهَارِ  
أَصْعَبُ مَا فِيهَا الْإِنْتِظَارُ  
لِلْمَحْنِ  
مَعَ إِنَّا بِنُعِيشِ  
فِي آخِرِ زَمَنِ  
مَاشِيِينَ عَلَى السِّلْخَانَةِ  
قُطْعَانِ غَنَمِ

---

دَبَحْتَنَا كَلِمَةً (لَا)

حَدَفْتَنَا جَوْهَ الْعَدَمِ

مُتَنَا

- بِمَحْضِ اخْتِيَارِنَا -

وَبِنَقُولِ

- بِمَحْضِ اخْتِيَارِنَا -

نَعَمْ

جَوْهَ انْهِيَارِ التَّارِيخِ

يَخْرُجُ كَلَامَنَا صَرِيخًا :

يَا أَلْفَ مِلْيُونِ نَعَمْ

لِلْمُسْتَحِيلِ الصَّنَمِ

عَلَيْنَا لَجْلَهُ الْهَرَمِ

وَسَعْنَا لِيهِ الْحَرَمِ

طُفْنَا لَهُ مَبْتَهَلِينَ

( أَمُون ، إِلَهِي ، أَمِين )

يَطْلُعُ بِوَشْتِهِ الْحَزِينِ

يَرْمِينَا وَسَطَ الرَّمَمِ

عَقَّتْ عَلَيْنَا الْحَيَاةَ

هَقَّتْ بِرُوحِنَا النِّسَمَ

وَلَقِينَا (لَا) فَحْيِجَ

طَالَعَةَ بَصَحٍ وَصَحِيحَ

---

من جوة قلب جريح

لا ..

لا ..

لا ..

يا حُبِّ قلبي .. لا

مكتوب تموت ناشف

لا ..

لا ..

لا ..

يا نهار مشعشع لا

فى الليل أنا وشايف

احنا فى قلب ضريح

ساجدين

ومجتهدين


سعداً

وفرحانيين

(أمون إلهنا أمين)

بدل النعم نعيمين.

١٩٩٣ / ١٠ / ٦






---

آهات

---

□۱۳۳□



\* وردة حزينة

جوه تاج

من شوك

شافت في عيني الحزن

حنّت لى

مدّيت عشان أقطف

إيدى

لجل أحميها

دمعت عينيها

اتشرنقت

فى الشوك.

\* انتى وأنا

يا سوسنة

إثنين حباب

مجروحين

جينا فى آخر ميعاد

تعبانين

خدنا الحنين

-ع المحطة -

---

واتحدفنا  
فَ بَعْضِ  
عَدَى عَلَيْنَا الْقَطْرَ  
\* اثْنَيْنِ أَحَبَّةَ  
حَلَفُوا يَأْكُلُوا بَعْضُ  
مِنْ شِدَّةِ الْحَبِّ  
أَوْ مِنْ شِدَّةِ الْغِيرَةِ  
اثْنَيْنِ أَحَبَّهُ  
قَطَعُوا عَلَى بَعْضِ  
عَاشُوا مُحْرَمِينَ  
مِنْ بَعْضِ  
وَكَلَّتْهُمْ الْحِيرَةُ

\* أَهْمِينَ ...  
يَا فِرْعَ التَّوْتِ ..  
يَا نُبُوتَ جِنَانِ  
زَغَلَّتْنِي بِالْحَنَانِ  
زَحَفْتُ ضُلُوعِي عَلَيْكَ  
وَصَلَّتْ لِبَيْنِ نَهْدِكَ  
شَدَّتْنِي رِجْلِي التَّقَالِ

---

للطين

وَفَضِّلْتُ أَحْلَمَ بِيكَ

وَالْقَلْبَ

مَشْتَاقٍ

حَزِينٍ

أَمِينٍ يَا فَرْعَ الْحَنِينِ

\* عَصْفُورٍ

نَقَرْتُ فِي الْقَلْبِ

فَتَحَ لَهُ

خَشْنُ الرَّبِيعِ مِرْتَاخَ

وَمَدَّ الْبَدَنَ

الْقَلْبَ مَا مَاتَ مِنْ زَمَنٍ

مَا قُدِّرْشِي

يَرْتَاخَ لَهُ

\* غَنَوَةُ حَنَانٍ

سَفْسَقَتْ

قَدَامَ عَيْنِيْ بِكَيْتِ

شَمْسِ النَّهَارِ

شَقِشَقَتْ

---

من فوق ضلوعي صُحيت

إيه هوّده ؟

الغنوة ما فيهاش

حنان !!

والشمس ما لهاش

أمان !!

وعيني ما بتكيش !!

وضلوعي لا صُحيت

ولا يحزنون

\* غيط الزيتون

طارح لمون

حامض

والقطن طلّع خيش

لُفّ على عوده

ونشّف وجوده

وخلا الكلام

كل الكلام ..


غامض !!

\* إيه يا لمون الصيف ؟!

---

البرد سيف بارد  
يُنحشُ في العُضمتين  
حسيت باني حزين  
فرحان باحساسِي  
يا ريتني أقدر أعيش  
بين عزوتي وناسي  
هايشيلوا كُرُاسِي  
ويحفظوا إسمي  
يدوا لجسمي الروح !

١٩٩٣ / ١٠ / ٦






---

## حواری سڌ

---

□۶۴۸□



\* سادّه الحواری کلّها لعینیک  
محتاج أشوفک من ورا الشبابیک  
أسمع صدی ندهتک  
أزعق وأقول لُبیک  
یسبقنی لیکى م الخطاوی جیش  
ألقاکی أبعد من نهار ما یجیش  
والقی الحواری سدّ  
والقی السلام کلّها بتتهد

\* شفقتینی شاعر قلّتی : یا الله  
شفقتینی طیب قلّتی : یا محلاه  
شفقتینی مجنون جمالك قلّتی :  
وانا مالی  
اعقل یا مجنون کاس الجمال غالی  
أفدیه بعمری  
عشان مهری  
یفوق الحد

\* قلبی الکبیر ملیان بحُبک جد  
جالک بیجری

---

كطفل جميل يبحلّم ببيك

قربّ بحبّه عليك

وما لقا ش حدّ

إلا الحوارى السدّ


ماليه السكك كلّها

قافلة البيان كلها بالمسّطرين والحد.

١٩٩٣ / ١٠ / ٩

---

**هنى**  
**إلى هنى يسرى العزب**



جَايَهُ لِي فَاعِزَ الصِّيفِ  
نَسْمَةُ ضُهِرِيَّةٍ قَوِيَّةٍ (مُنَى)  
بِتَشْدَدِ خُبَالِ مُرْكَبَتِي اللَّيْلِ  
وَيَتَصَلَّبُ حَيْلِي تَعْقِلُ خُطَوَاتِي  
الْمَجْنُونَةِ  
وَيَتَمَدُّ إِدْيَاهَا صُغْنُونَةُ  
تَتَاوَلَنِي لَمُونَةُ  
وَتُصْحَى الْمَيِّتُ جَوَائِي  
أَصْغَرُ  
أَصْغَرُ  
وَأَصِيرُ أَدْيَاهَا  
أَلَاعِبُهَا بِأَدْيٍ  
تَلَاعِبُنِي بِرَجْلَيْهَا  
تَدِينُنِي الْبُوسَةُ عَسَلِ  
وَأَدْيَاهَا  
تَتَنَرَّفُزُ مِنْ شَنْبِي  
يَشْوُكُهَا  
أَحَايِلُهَا  
وَاطْوَلُ بَالِي عَلَيْهَا

تضحك لى عينيها تنام  
وان غفلت عيني  
مُنْأى قوام بتصحّيها  
وتشدّ فْ شعري تعيظ  
يتغير وبشئ تشوفنى  
واشوفنى  
عفريت فى عينيها  
حبوبتى الحلوة (مُنْى)  
جايه لى ف عز الصيف  
نسمّة ضهرية قوية  
ف وقت عمل  
بتقول لى عينيها الغجرية :  
صدقنى يا بابا  
الدنيا أمل  
لكنّ المشّ معقول  
لما باسيبها شوية  
بارجع شايل طاجن ستى  
وزى ما كنت عجوز  
بيتهياً لى إن كلامها عن الدنيا  
ما هوش معقول  
وان (مُنْأى) هاتكبر



---

واما هاتكبر


تتغير زبي نظرتها

مين عارف ؟

من فينا الصبح ؟

العاقل والا المجنون ؟!

١٩٧٩ / ٩ / ١٠




---

## المبتدا

---

□ ١٥١ □



باحبك لآخر مدى  
يا جايه ف طريق الحياة  
مبتدا  
يا جملة حياتي  
هاكمل  
وتبقى الحياة زغردة  
يا ورد الجنينة فى قلب الندى  
يا برعم أمل  
وفتح لى باب انقفل من سنين  
باحبك وكلى حنين  
لشمسى اللى هاتهل بكره  
باحبك وبأكره  
لما يجيش بكره  
باخضر فى قلبى الشراقى عشانه  
وفاتح مكانه  
وكل المسافة عشانك  
تشوفك وتفرح  
ومطرح ما ترسى  
ها اجى لك  
يا ضى النجوم اللى فتح

---

طريق للمسافر فى قلب الغيوم

تعالى يا حلوة

نكمل طريقنا لآخر مدى

نجمع حروف المحبة كده

هنا المبتدا

وهو المدى

والخير .

١٩٨١ / ١٠ / ١٢

## ميلاد البحر

بقلم: دكتور أحمد شمس الدين الحجاجي

إن حركة الشعر العامي في مصر حركة حية لها تاريخ طويل ومنافس لشعر الفصحى. ولقد تعددت أنواع هذا الشعر من حيث شكله ومضمونه فمنه الغنائى والقصصى. ومنه الموالم والمربع والأغنية والزل والقصيد.

هذه التكوينات الثرية للشعر العامي أدخلته صراعا مع رجال الفصحى فالشعر الفصحى يمثل قوة وأنصاره يعدون أنفسهم حماة العربية النقية فحاولوا أن يوقفوا عملية الإبداع العامي بعدم الاعتراف به ومساواته مع إبداع الفصحى وتقليل شأن مبدعيه ومن ثم لم تتم عملية تدوين كاملة لإبداعات شعر العامية. ومع ذلك، فقد فرض شعر العامية نفسه على حركة الشعر العربى كله. وكان مبدعوه الذين اعترف بهم وبإبداعهم وبدورهم فى الحركة الشعرية كـبيرم التونسى الذى قيل إن شوقى كان يقول عنه إنه يخشى منه على الفصحى، وفؤاد حداد قائد حركة التجديد العامية وفاتح دروب الشعر العامى الجديد، وجابر أبو

حسين شاعر السيرة الهلالية الجنوبي، وفتحى سليمان شاعر  
الهلالية الشمالى. وصلاح جاهين وشعراء الأغنية مأمون  
الشناوى ومرسى جميل عزيز وعبد الوهاب محمد.

ولقد استقطب شعر العامية كثيراً من شعراء الفصحى مثل  
أمير الشعراء أحمد شوقى وإسماعيل صبرى. وكذلك استقطبت  
العامية أدباء وشعراء متميزين فكان خطيب الثورة العرابية عبد  
الله النديم ممثلاً لامتزاج العامية بالفصحى فى أديب واحد.  
ونسى الناس أن أحمد رامى الذى اشتهر بأنه واحد من مؤلفى  
الأغاني المتميزين كان واحداً من شعراء الفصحى لم يذكر  
الناس من شعره سوى الرباعيات التى ترجمها للخيام.

ولم تتوقف عملية استقطاب العامية لشعراء الفصحى ويمثل  
يسرى العزب واحداً من أولئك الذين انغمسوا فى شعر  
الفصحى حتى عرف به شاعراً فى بداية حياته الأدبية. وهو يقف  
الآن شاعراً متميزاً وفريداً من شعراء العامية.

لقد كتب يسرى العزب الشعر الفصيح كما كتب الشعر  
العامى فترة مبكرة من حياته. ولم أكن أعرفه فى هذه الفترة، إذ  
إن بداية معرفتى به كانت فترة كتابته للشعر الفصيح أو على  
الأصح فترة لم يقرأ لى فيها قصيدة واحدة جديدة من قصائده



الفصحى وأعد ذلك نهاية علاقته بالفصحى شاعراً.

لقد التقيت بيسرى العزب أخريات سنة ١٩٧٦ قدمه لى الصديق النعمان عبد المتعال القاضى. وكان النعمان أستاذا نادرا وقديرا يتميز بقدرته العالية على اكتشاف أصحاب المواهب من تلامذته، وكان يسرى العزب تلميذا له فى كلية الآداب التى التحق بها بعد حصوله على ليسانس الحقوق. كان تقديم النعمان ليسرى بأنه شاعر وطلبت منه أن يسمعى شعره كان صوته الشعرى جديدا علىّ فقد بعدت بى الغربة عن هذا الصوت. وكان إعجابى به واضحا فمنذ هذه اللحظة لم ألتق به يوما دون أن أطلب منه أن ينشدنى من شعره، وفى إحدى ليالى صيف سنة ١٩٧٩ سمعت قصيدته المسرحية «تغريبة عبرزاق» وسمعتها وغصت فيها تأملا وطلبت منه أن يعيدها على مسمعى، فهى قصيدة متعددة الأصوات وهو ما يجعلها تصلح أن تكون مسرحية أو هى مسرحية تصلح أن تكون قصيدة.

وامتدت علاقتى بيسرى لأعرفه عن قرب عالما وشاعرا وإنساناً. ولم أجد فى هذه المكونات أى تناقض فى شخصية يسرى، فهو فى دراسته وضع نفسه فى ميدان العامية، فقام ببحث رائع عن بيرم التونسي كان أول دراسة أكاديمية تدرس الشعر العامى. وتبنى يسرى العزب شعراء العامية، يقدمهم،

ويقدم دواوينهم، وأصبح يسرى العزب أهم ناقد دارس للعامية المصرية. ولم يتوقف يسرى عند الإبداع العامى وإنما درس الإبداع الفصيح لشعراء الرومانسية وشعراء الحركة الجديدة، فالشعر فى نظر يسرى شعر بأى لغة يكتب بها عامية كانت أو فصحية، المهم أن يكون شعراً صادراً عن منطقة الشعور الحقيقية فى وجدان الشاعر، قدم شعراء الفصحى كما قدم أيضاً قصاصى الحركة الجديدة الواقعية وما بعد الواقعية. وكان تبني هؤلاء الأدباء شغله الشاغل.

— لقد امتلك يسرى العزب قدرة تكاد تكون موهبة فى أن يزاوج بين الأكاديمية النقدية وبين الاحتفاظ بالطبع الشعرى وتغذيته بالحركة الحية مع الحياة والتفاعل المستمر مع الحركة الشعرية. ولقد استطاع يسرى العزب أن يوفق بين عمله الأكاديمى البحثى وبين الاستمرار الشعرى فى التعبير عن كل مشاعره بما يشغله من قضاياها الذاتية وقضايا أحبابه وقضايا وطنه الكبير، والبحث المستمر داخل الذات وخارج الذات عن دروب جديدة فى ميدان الشعر.

— ولو جُمع يسرى الأكاديمى ويسرى العزب الشاعر لوضحت صورة يسرى العزب الإنسان، فصورة الإنسان هى الصورة التى تطالع المتصل به من أول احتكاك به ويعالمه إنها صورة

فريدة لإنسان مفرط الحساسية. مفرط في إحساسه بالآخرين، حتى إنه في أحيان كثيرة ينسى نفسه ويقدم كل ما في عقله ليريح الآخر، ويقدم ذوب قلبه ليحمل ألم الآخر، ويقدم كل ما في جيبه ليفك زنقة الآخر.

إن إحساس يسرى العزب بالآخر وحمل هموم الآخر وحب الآخر أول ما يطالع في صورته وفي سلوكه وفي كلماته. يتبدى هذا على مستوى الفعل ومستوى القول بوضوح، برز ذلك في كل دواوينه التي نشرها، ديوانه الأول «فوازير فلاحية» ١٩٧١، «تغريبة عبرازق الهلالي» التي قدمها من خلال إحساسه بعذاب المصري في الغربة خارج أرض الوطن وديوانه «شجرة مريم» ١٩٩١م «خيال الماتة» سنة ١٩٩٣، ومسرحيته «غيطان الفقر»، «ودارى على شمعتك».

وفي هذا الديوان «ميلاد البحر» يكتب عن نفسه وعن أحبابه الأموات منهم والأحياء. اثنتي عشرة قصيدة.

تحولت قصائد الديوان إلى كشف حقيقى عن عالم يسرى، عالم ملئ بالحب، ولكنه - في الوقت نفسه - عالم باحث عن الحب دون يقين بالحصول عليه فهو يبدأ بالبحث تأثها ما بين البحور جمعاً، غرقان في الحب حيناً إلى الحب لم يدفعه دافع

لهذا الحب ولا هذا الفرق فهي إرادته، وحين يسعد نشعر أنه صنع السعادة وفرضها. فهو لا يستسلم للحنن إنه الصوفى الذى «فتح عينيه لفجر النور» فهو شعلة من حنان وحين يبقى القلب شعلة من حنان «يبقى كل العمر عيد».

ويسرى العزب الإنسان الذى يحاول أن يقدم نفسه لنفسه سعيدا منتشيا بالنور يعيش عذابات خاصة فهو الشاعر الذى يريده الشعراء ناقدا ومقدما لهم. ونقاد العامية يفصلون بين الأكاديمية والشعر، ويرون الأكاديمى مفصولا عن واقع الحياة والفن، يتوقف دوره عند حدود تعليم الصبية والكتابة لهم. أما الشعر والفن فمكانه بعيد عن قاعة الدرس الأكاديمية. وحين يواجه بهذا السواد الفكرى والروحى يلقي به بعيدا تحت قدميه. فصاحب القلب الأبيض تفتح له السموات سماوات القلب، فهو يرى أن:

«القلوب البيضاء فوق... أعلاها تخت. والسواد فى الأرض تحت» وأحبابه فوق السماء يرفرفون للشمس ويحيون روح المحبة تلك الروح التى تشعر بالرضا وتجعله طوقا للنجاة. إن حسه المتفائل بالحياة وبالحب يجعل هذه الروح تنتصر على كل ألم وحنن وترتفع فوق سماء هذا العالم:

«والحبايب فوق سما الدنيا.. وطايرين.. فى البراح بيرفرفوا  
للشمس.. تولد كام صباح.. مَوّتت ليالك وأُحيت روح المحبة  
للحياة روح بتسعد بالرضا... ويتجعله طوق النجاة».

لقد جعل من النفوس السوداء عاملاً لا يبالى به، فهم لا  
يستطيعون أن يقتلوا الحب وإن حاولوا، وهم لا يملكون إلا  
الحسد فهو يوجه لهؤلاء الحساد أعداء الحب تساؤلاته لماذا  
يعيشون فالحساد سواد الأرض يشربون من كأس سمهم.  
« واشرب السم اللى حطيتَه لصاحبك من زمان.. مت  
بكيدك... وانطفى قبل الأوان».

السؤال يظل باقيا لماذا يكون الشخص حاسداً.. لماذا يكون  
موجودا كما فى الأرض ضد المحبة والحنان عكس الزمان...  
«كنت ليه حاسد حسد؟

كنت ليه شر اتوجد.. فى الكون وبان؟  
كنت ليه ضد المحبة والحنان .. كنت ليه عكس الزمان؟»  
لقد انتهى الأمر بالحاسد أن يكون شيطاناً .. فما دام الحب  
موجودا يكون هناك الآخر الحاسد.. والآخر الحاسد هو ابن  
الشیطان .. والشیطان قادر على غواية أذلاء البشر يسقطهم  
أسفل الساقطين.

كنت ليه ضد المحبة والحنان ؟ كنت ليه عكس الزمان ؟..

كنت ليه شيطان وعاش ؟.. عمرك انت وراح بلاش...

وفى ميلاد البحر يموت الشر وينكسر المستحيل ويبعث  
الشهداء ينزلون إلى أرض القدس يصلون من غير صوت تحط  
أرجلهم على أرض مكة المقدسة... ويمدون أيديهم إلى الأزهر  
المعمور يقفون فوق جبال الأطلس يشربون قهوة من بن اليمن ..  
يمدون أيديهم إلى الأزهر المعمور يطوفون بجنة المدن طرابلس،  
كل شئ تحتهم أخضر كل ما فى الدنيا يتجمع فى طبق بنور  
وكل ما فى الوجود يحيا سعيدا.

إذا كان ذلك حدث مع ميلاد البحر، فكيف كان هذا الميلاد  
ومتى كان ؟ أليس الميلاد ارتباطا بالزمن الأول حين لم يكن  
سطح الوجود سوى الماء قبل أن تكون الأرض وتكون السماء  
حين كان عرش الله على الماء ثم امتد الوجود ليكون الخلق  
الأول فى ستة أيام وتكون الأرض ويكون البحر الذى يصبح  
حياة لا غنى للإنسان عنها... ويتحول إلى إلهام عند بعض  
الشعراء وهذا هو يسرى العزب يتحدث عن ميلاد البحر لأنه  
يجد فيه النور الذى يتفتح فى روح صوفى، فيجعله منتشيا  
بالنور. ويزداد شعوره بالنور حتى إن ذاته لترتفع مع هذا النور

فقد فتح عينيه لفجر النور فلا يجد له كفوا فهو مالك البدور وهو القمر الكامل فى آخر الشهور وهو الذى طالت يداه النجوم.  
ومع ذلك، فإنه كثيرا ما يظلم ما يظلم وهو الذى يراقب ميلاد البحر لكن النيل فى نظره يعطش أيضا مثل عطشه .. فهو يعطش للحضور والنيل يعطش للبكور. فالماء نبع الصفاء لا تتركه قصائد الديوان وكما هو فى البحر هو فى النيل يرى العقل يجرى فى الصحراء، «الرجال صاحيين بتزرع قمح فى الزنازين وبتعلى العماير فوق ، بتجنى زرع وتتملك مبانيتها وتلبس خير مصانعها.. وتشرب من مياه النيل» ولا تمر الكلمات سريعة قبل أن يتوحد فى الماء ويصبح هو نفسه الماء.. إنها هنا وحدة الإنسان المصرى على الأرض والماء، وهذا لا يمثل استعلاء وإنما يمثل فى شعر يسرى تواضعه الخاص فهو معداوى بإرادته.. غاوى يعيش الحب ليزور أرض أهله وأصدقائه حتى يعاتب الصديق الذى وجد فيه نفسه والضمير المستتر فى (فيه) عائد على الصديق فيسرى فى البداية والنهاية الشاعر وهو الموال:

«وجيت غاوى .. ونار الحب دافعانى .. أزور البرية والساحة  
وأشوف الميه بالراحة .. بتروى الأرض حب النيل ..

أنا المية اللي بالراحة

بتدفع فى بلاد النفط عرق النيل وحب النيل وشوق النيل..

أنا المواويل»

ولقد ربط يسرى الرجال الذى أحبههم بالماء فجمال حمدان  
«شهير مصر أوقف عقله سدا ليمنع ويقلع ويرفع ويقطع ويوجع  
ويزرع ليحافظ على مجرى ماء النيل»

ورأه يسرى «يمر بالأزمة دمعت عيناه واهتزت الظلمة ودفع  
ماء النيل للزرع فى الصحرا ليعم الخضار ويتفرق الكفرة...»  
رهافة الحس الشعري تحول الشعر حقيقة إلى عالم نبيل تماما  
كما اشترط فى التاريخ لكى يكون نبيلاً أن يستمر فى الحياة فى  
دائره «أن نعشق تراب النيل وحيطان البيوت وحب التوت  
وضخامة الجميز ورهافة البلح السكوت وحتى صيص النخيل  
والنكتة التى تضوى فى جوف الليل».

كيف يمكن أن يتم هذا؟ كان شهيد مصر جمال حمدان  
مدخلا من مداخل الحب العالمية. فلتحيا مصر شبابا .. ولا  
يمكن أن تكون هذه الحياة .. إلا فى الحب فالحب «صافى زلال  
.. من غير غرض يا خال.. قادر يعدى جبال ويحرر الخارطة من  
الأموال» الحب هو عالم يسرى الشفاف وهو أيضا متعته.



إن البحر وارتباط الشعر بالنيل يجعل الخوض فى أعماق القلب واقعاً مجسداً فى قصائد الديوان.. حتى لتخرج جملة الحب عميقة فى تعجب «ياما أعظم الحب» .. «متى»؟ «لما يهب جوه القلب».. قلب الفرد وقلب الجماعة .. يحمى الشعب م الأخطار..

ياما اعظم الحب حين يهب ليحمى العرض ويروى الأرض .. الحب علامة على الحياة لا يتغنى كعاطفة فردية .. ذاتية قد تتحول إلى مرض وإنما ترتفع لتشتمل الوجود وتحمى الوطن من الانهيار ليحيا شهداء مصر .. ومن هنا يصبح النيل هو قلب الحب لا يترك نقطة لدخيل من الدخلاء.

وحين يستخدم الصفاء وعذب الحديث وتصوير الجمال النبيل فى الشخص الجليل القاص الراحل عبد الوهاب داود يصور صفاؤه كما النيل عذبا وأصيلا ..

«وقعدتك بينا فى وسط الغاب .. جميل ولورد ونبيل صافى كماء النيل.. عذب الحديث وأصيل».

تجسد الشعور بالماء. فى الماء الأسطورى القادم من عالم الغيب فى أرض لا نعرفها ولكن يقال إنها موجودة إنه ينتظرها إنها تعطى الأمل فى الانتصار وربما كانت هذه المياه هى ميلاد

«يامية المحاياه يا أحلى مى .. تذلى لى الصعاب وتحلى لى  
العذاب أستحلف الصبر الجميل بالروح بيعت وراه الرى .. يا  
مية المحاياه يا أحلى مى .. غنى لى شوى شوى ، لحن الجاى  
.. زى زمان .. وعيشينى الأمان .. فى حضنك العمران وعيشى  
بى الانتصار الجاى ..»

وفى قصيدة «نون» يعنون مقطعها الأول «أ- النيل» .. فبعد  
الجفاف تحول الأرض إلى صحراء مثل النيل .. وتطلع الحبيبة  
كالماء من السحاب . إن هذا بداية ميلاد البحر السحاب الذى  
يرتفع إليه الشاعر فى عالم صوفى يرى فيه كل الدنيا تورا ويرى  
اسمه فى سطور الليل. فلا ظلمة. ولكن الدنيا كلها أنوار.

فى وحدة النون من القصيدة تنزل الشمس من السماء  
ويسقط النور على الحبيبة تفقد الحبيبة الحس الذى يتبدى  
لامرأة لتتحول إلى نموذج نورانى يحول الحياة إلى ابتسام  
ويمنح الوجود روحاً .. نعم حين يأتى الحب تشفى الجروح لكن  
الكون هنا هو المطلوب فاعط الحياة عمرا تعطى عمرين وارك  
القدر يملك على بساط الريح.. واركب خيول المستحيل واقطف  
السمان فى عالى النخيل هنا يعود النيل فى القصيدة حياة

بجوار دائرة الكون فى رحلة المستحيل... اسحب مياه النيل  
ورش الفضأ بالمواويل فليس هنا مستحيل لأن فراغ الكون  
سيخضر، هى إذن نبوءة العارف، فهو الذى رأى ورد الجنة فتح  
فى الحرم وهو الذى يرى النور فى الوجود وهو الذى يستطيع  
الرؤية فىرى فى الظلام جلال الكون وهو الذى يرى فى الأطلال  
هرما شامخا ولكن هذا الصوفى يقف متمردا حتى على شيخه  
يمن عليه بالصحة فيفاجئه بقوله «أنا الماويل غناى راح  
هدر...» فكل ما قدم لشيخه كان لله فقط وليس لشيخه فيه شئ  
فهو لم يطلب من شيخه أكثر من أن يكون «الملح اللى فى  
رغيفكم» كأن هذا قليل... أراد أن يكون ملح طعام الشيخ  
بالتأكيد فبدون الملح لا تكون ولاية ، أنه يقول لشيخه أنا  
المطلوب ولست الطالب .. غريب ومغلوب ولا أعجب وفى النهاية  
يصرخ فى شيخه أنا الغرقان وأنا المجذوب .. إنه بفرقه يعود  
لبدايته فهو الذى شاهد ميلاد البحر وهو المجذوب الذى تلقفته  
العناية الإلهية. فماذا يريد هذا الصوفى من شيخه؟ وقد  
تخطاه، حتى ثوب الشيخ يطلبه منه .. فليس أمام شيخه إلا  
الطاعة أن يسلمه الثوب لأنه وهو له من مريد سواء وهذا المريد  
الوحيد قوى متعاف ..

أعزنى التوب ... يا محبوبى

يا سيف يا طبيب معذبني

ومش لاقى سواي حبيب

بيستحمل قساوتكم

مشارط بعدك الجافى

مشارط قربك الوافى

مريد حافى .. ومتعافى ..

ويختم قصيدته لشيخه ختاماً قاسياً وهو يطلب منه أن

ينساه..

ترى أينسى الشيخ مريده القاسى؟ .. لا فقط إنه يكتشف أنه

صاحب ميلاد البحر .. وصاحب الماء المقدس يعيش غربة

يحاسب عليها الشيخ لأنه لم يستطع أن يخرجها منها وهو فى

وسط النور .. والماء المقدس تأتية لحظات شك .. يرى الأمور

كلها تسيبت «لا الليل بقى ضلمه.. ولا الشمس تعنى نهار»

وأصعب ما فى الحياة الانتظار للمحن مع أننا بنعيش فى آخر

زمن .. ولحظات قلق الصوفى هى خوفه من العدم وينتقل الزمن

المغترب إلى شعوره بالوردة :

«حزينة جوه تاج من الشوك»

إنه صاحب ميلاد البحر وصاحب النيل والماء الزلال صاحب

شمس الشتاء يشعر أنه وحيد بين أصحابه حتى في بيته  
«مشغول البال وكثير محروم من نقطة ضي ترد الروح ونقطة  
مئة تبل الريق ونقطة حب في قلب وكله جروح» .. وهذا التداخل  
بين امتلاك الوجود وفقده في أن واحد هو الشيء الواضح في  
هذا الديوان الصوفي الواصل من الصوفي الشاك في شيخه  
إليه فحتى شمس هذا الكون .. التي كانت تشرق من أعماقه لم  
يعد لها أمان فقد ضاع الحنان، في قصيدة واحدة يتبدى هذا  
الشك وهذا الصراع بين ما يحس وبين خوفه مما سيأتي.  
«غنوة حنان سقسقت قدام عيني .. بكيت .. شمس النهار  
شقشقت من فوق ضلوعي .. صحيت .. إيه هو ده .. الغنوة ما  
فيهاش حنان .. والشمس مالهاش أمان.

وعيني ما بتبكيش

وضلوعي لا صحيت ولا يحزنون».

والنتيجة أن غيط الزيتون أصبح يطرح ليمونا حامضاً والقطن  
خيشتا أثر على الكلام «خلا الكلام غامض ..»

«غيط الزيتون طارح لمون حامض

والقطن طلع خيش لفل على عوده

ونشف وجوده وخلا الكلام كل الكلام غامض» .. وحتى الحب

---

يتحول فى لحظات إلى قلق ويطالب الذين لا يستطيعون الحب  
ألا يحبوا .

« يا اللى إنت مش قد الغرام ... كان ليه بقى بس الكلام » ثم  
فى حديثه عن ابتعاث القلق « أحييت جواى القلق ومليتى تلجى  
بالعرق ».

وحتى الثلج والعرق ماء .. والماء .. نهر .. والنهر بحر .  
وهذا الديوان عالم شرى .. ثرى فى نغمه وقدرته على تحريك  
الذات ورؤية النص وعوالم النص وتداخلات النص .. يعكس  
مجموعة من الامتدادات المتلاحقة المتقاربة والمتناقضة  
والمحبة للجميع والتي لا ثورة فيها إلا على الشيخ لأن طريق  
المحب محفوف بالمخاطر ومن أرادته لابد أن يخاطر ولو بالثورة  
على الشيخ أو على البحر وميلاد البحر .  
تحية حارة لصاحب هذا الديوان الذى تمتعت كثيرا بقراءته .

\* \* \*

## المحتوى

٥	* الإهداء .....
٧	١- ميلاد البحر .....
١٥	٢- ليه كل ده ؟ .....
٢١	٣- جنين .....
٢٥	٤- وعايظ .....
٣١	٥- الهجر .....
٣٧	٦- إيمان .....
٤١	٧- يمين .....
٤٥	٨- حضرة .....
٥١	٩- استبيننا .....
٥٩	١٠- مدد .....
٦٧	١١- الأوسطى .....
٧٣	١٢- جمل حمدان .....
٨١	١٣- من غير نور .....
٨٧	١٤- زهدى الرسام .....
٩٩	١٥- يتم .....
١٠٣	١٦- نون .....

---

١٧ - م الأول وجديد .....	١١٧
١٨ - اعتراف .....	١٢١
١٩ - القرار .....	١٢٧
٢٠ - آهات .....	١٣٣
٢١ - حوارى سد .....	١٤١
٢٢ - منى .....	١٤٥
٢٣ - المبتدا .....	١٥١
* الدراسة بقلم د. أحمد شمس الدين الحجاجى .....	١٥٥



صدر للشاعر:

(١- في الشعر:

\* فوازير فلاحية - مطبعة السعادة بالقاهرة ١٩٧١

\* تغريبة عبرزاق الهلالي دراما شعرية مطبوعات الفجر بالقاهرة

١٩٨٤

\* شجرة مريم - مطبوعات الفجر بالقاهرة ١٩٩٣  
• كتاب (المقامة) - دار طبعون ١٩٩٤  
ب- في الدراسات النقدية:

\* أزجال بيرم التونسي (دراسة فنية) - الهيئة المصرية العامة

للكتاب بالقاهرة ١٩٨١

\* القصة والرواية المصرية في السبعينيات الهيئة العامة للكتاب

بالقاهرة ١٩٨٤

\* القصيدة الرومانسية في مصر الهيئة المصرية العامة للكتاب

بالقاهرة ١٩٨٦

\* موسيقا الشعر - دار حورس بالقاهرة ١٩٩٢

\* قراءة النص الحديث - دار حورس بالقاهرة ١٩٩٣

\* ديوان العرب (اختيار وإعداد) ١، ٢، ٣، ١٩٩٣

\* موال أدهم الشرقاوي - (بلاغة النص بلاغة الفرجة) مكتبة

الدراسات الشعبية - الهيئة العامة لقصور الثقافة بالقاهرة

١٩٩٦

\* مختارات بيرم التونسي (اختيار ودراسة) - الهيئة العامة لدار

الكتب والوثائق القومية بالقاهرة ١٩٩٦

\* ديوان بيرم التونسي ط١ (إعداد وتقديم) - الهيئة العامة لدار

الكتب والوثائق القومية بالقاهرة ١٩٩٦

ج - تحت الطبع:

\* قمر المغارب (شعر) - يصدر عن مطبوعات الفجر

\* وش وظهر (شعر) - يصدر عن دار حورس

\* دارى على شمعك - (دراما شعرية) - تصدر عن الهيئة

المصرية العامة للكتاب

\* شنجى برنجى (غيطان الفقر) (دراما شعرية) تصدر عن الهيئة

المصرية العامة للكتاب

\* ديوان بديع خيرى (جمع ودراسة) يصدر عن الهيئة العامة

لدار الكتب والوثائق القومية.

\* ديوان عبد الله النديم (جمع ودراسة) يصدر عن الهيئة العامة

لدار الكتب والوثائق القومية.

\* الشعر المصرى فى السبعينيات (دراسة نقدية) - يصدر عن

الهيئة العامة لقصور الثقافة

رقم الايداع : ٩٦/٩٣٧٤

الإمل للطباعة والنشر 3904096